

- प्रधानमंत्री नरेंद्र मोदी होरें जर्मनी दे अपने हमरूतबा फ्रेडरिक मर्ज कन्नै शिष्टमंडल सतह दी गल्लबात कीती ते दौनें मुखें बश्कार बक्ख-बक्ख क्षेत्रें च दपक्खी सहयोग बदाने दा प्रण पाया।
- समूलचा राष्ट्र राष्ट्री युवा दिवस दे मौके पर अज्ज स्वामि विवेकानंद होरें गी श्रद्धांजलि भेंट करा'रदा ऐ।
- ईरान च सरकार बरोधी प्रदर्शन अज्ज 16में रोज बी जारी न, जित्थे अजें तोड़ी सैकड़ां लोग मारे गए न।
- अमरीकी राष्ट्रपति डोनल्ड ट्रम्प होरें ईरान सरकार कन्नै गल्लबात दी सारत दित्ती ऐ।
- लियोनार्डो डिकैप्रियो दी फिल्म 'वन बैटल आफ्टर एनदर' नै गोल्डन ग्लोब समारोह च 5 पुरस्कार जित्ते न।
- मौसम विभाग नै राजस्थान, हिमाचल प्रदेश ते उत्तर प्रदेश च घनी धुंध पौने दी चेतावनी जारी कीती ऐ।

<><><><><><>

### Modi-Merz

प्रधानमंत्री नरेंद्र मोदी होरें जर्मनी दे अपने हमरूतबा फ्रेडरिक मर्ज हुंदे नै अज्ज गुजरात दे गांधीनगर च शिष्टमंडल सतह दी गल्लबात कीती जिस दरान दौनें मुखें बश्कार बक्ख-बक्ख क्षेत्रें च सरबंध बेहतर बनाने बारे सोच-विचार कीता गेआ। एह्दे शा पैहले अज्ज बहुलै दौनें नेताएं साबरमती रिवरफ्रंट च अंतरराष्ट्री पतंग महोत्सव 2026 दा उद्घाटन कीता ते मते जोश कन्नै गुडियां बी बधाइयां।

<><><><><><>

### India-Germany

भारत ते जर्मनी नै 19 महत्वपूर्ण समझौता ज्ञापनें पर दस्तखत कीते न ते 8 महत्वपूर्ण घोशणा कीतियां न। इन्दे च दपक्खिया रक्षा औद्योगिक सहायेग गी मजबूत करने आस्तै इक सांझी आशय घोशणा ते बपार ते निवेश गी बढावा देने लेई मुख् कार्यकारी अधिकारियें दे मंच दी स्थापना शामिल ऐ। भारती विदेश सचिव विक्रम मिसरी होरें संवाददाता सम्मेलन गी संबोधित करदे होई आखेआ जे जर्मन चांसलर हुंदी भारत जातरा दरान दौनें देसें बश्कार रक्षा, बपार, कौशल, हरित उर्जा ते लोकें मझाटै सरबंध ज्नेह क्षेत्रें च सहयोग बधानेपर महत्वपूर्ण गल्लबात होई। जर्मनी नै नवीकरणीय उर्जा, हरित हाइड्रोजन ते जलवायु गी समर्थन देने लेई टिकाउ विकास सांझेदारी तैहत 1 इशारिया 2-4 बिलियन यूरो दे वित्त पोषण दी घोशणा कीती।

<><><><><><>

## Vivekanand

समूलचा राष्ट्र अज्ज राष्ट्री युवा दिवस दे मौके पर स्वामि विवेकानन्द होरेंगी श्रद्धांजलि भेंट करा'रदा ऐ। इस सिलसिले च आयोजित विकसित भारत यंग लीडर डायलाग दे समापन समारोह च प्रधानमंत्री नरेंद्र मोदी होरें आपूं अज्ज हिस्सा लैता ते मुख्य भरै थमां आए दे युवाएं गी संबोधित बी कीता। एह्दे शा पैहले मोदी होरें प्रदर्शनी दा दौरा कीता ते नौजवानें कन्नै गल्लबात करियै उन्दे नवाचारें ते बचारें बारै जानकारी हासल कीती।

<><><><><><>

## I&B Minister Vivekanand

सूचना ते प्रसारण मंत्री अश्विनी वैष्णव होरें अज्ज स्वामी विवेकानंद होरेंगी उंदी 163मीं जयंती पर श्रद्धांजलि भेंट कीती। सोशल मीडिया पोस्ट व श्री वैष्णव होरें आखेआ जे स्वामी विवेकानंद हुंदा व्यक्तित्व म्हेशा युवाएं आस्तै इक आदर्श रौहगा। श्री वैष्णव होरें देशवासिएं गी विकसित ते आत्मनिर्भर भारत दे संकल्प गी मिलियै अगगे बढ़ाने दी अपील कीती। केन्द्री सूचना ते प्रसारण राज्य मंत्री डॉ. एल. मुरुगन होरें स्वामी विवेकानंद होरेंगी श्रद्धांजलि अर्पित कीती। सोशल मीडिया पोस्ट च श्री मुरुगन होरें आखेआ जे स्वामी विवेकानंद होरें अपने भाषणें कन्नै दुनिया भरे दे युवाएं गी प्रेरित ते उत्साहित कीता। उनें गलाया जे स्वामी विवेकानंद होरें घोषणा कीती ही जे आध्यात्मिकता भारत दी संस्कृति ते परंपराएं गी रक्षा करने दा मुख् स्रोत ऐ।

<><><><><><>

## India Srilanka

श्रीलंका दे कोलंबो स्थित भारती उच्चायोग दी सांस्कृतिक शाखा स्वामी विवेकानंद सांस्कृतिक केंद्र नै अज्ज दुए भारत-श्रीलंका हिंदी सम्मेलन दा आयोजन कीता। एह्दे च दौनें देसें दे 400 शा मते हिंदी माहिरें, शिक्षकें ते छात्रें हिस्सा लैता। भारती उच्चायुक्त संतोश झा होरें श्रीलंका दियां उच्च शिक्षा उपमंत्रि डॉ. मधुरा सेनेविरत्ने हुंदी मौजूदगी च कार्यक्रम दा उद्घाटन कीता। झा होरें श्रीलंका च हिंदी गी बढ़ावा देने लेई वजीफा, क्षमता निर्माण कार्यक्रम ते शैक्षणिक आदान-प्रदान सने केंद्र दे पैहलुएं दी रूप-रेखा प्रस्तुत कीती।

<><><><><><>

## VP-Education

उपराश्ट्रपति सी.पी राधाकृष्णसन होरें अज्ज आखेआ ऐ कि शिक्षा दा इस्तेमाल समाज चा फर्कोफर्की ते नाबरोबरी गी दूर करने ते समाज दे कमजोर ते दबोए लतडोए दे तबकें दे सशक्तिकरण लेई होना लोडचदा। उनें आखेआ कि शिक्षा कन्नै एहू यकीनी होना लोडचदा जे विकास देसै दे हर इक्क हिस्से तगर पुज्जै। अज्ज नमीं दिल्ली च जवाहरलाल नेहरू युनिवर्सिटी दे 9मं दीक्षांत समारोह गी संबोधित करदे होई उपराश्ट्रपति होरें आखेआ जे शिक्षा ना शडा इक व्यक्तित्व ते चरित्र दा निर्माण करदी ऐ सुगआं सोच, बुद्धि, विवेक समझ ते नजरिए दा दायरा बी बधांदी ऐ। उपराश्ट्रपति होरें विद्यार्थिएं अगगे आह्वान कीता जे ओहू मुख् दे आर्थिक समाजी वैज्ञानिक सम्पन्नता लेई कम्म करन।

<><><><><><>

## Iran-Trump

ईरान च सरकार बरोधी प्रदर्शन अज्ज 16में रोज बी जारी नए जित्थे अजें तोडी सैकड़ां लोग मारे गए ना। ट्रम्प हुं'दा आखना ऐ जे उनें ईरानी अधिकारिं गी गल्लबात लेई सद्देआ ऐ ते आखेआ जे इस गल्लबात कोला पैहले उनेंगी कोई बड्डी कार्रवाई बी करनी पेई सकदी ऐ, अजें कि इस बारै उनें तफसील च नेई दस्सेआ जे ओहू किस चाल्ली दी कार्रवाई पर बचार करा करदे ना। रिपोर्ट दे मताबक कल मंगलवारें उनेंगी खास विकल्पें बारै जानकारी दित्ती जाह्गा। इस्सै दरान इक अमरीकी निगरान ग्रुप दा आखना ऐ जे 28 दिसंबर सवां जारी प्रदर्शनें च अजें तोडी 500 कोला मते लोक मारे गए ना।

<><><><><><>

## Baloochistan

बलूचिस्तान च इक 14एं बरें दे जागत राही अस्सा दी कथित तौरा रप गोली मारियै हत्या करी दित्ती गेई ऐ जेह्दा जे इक विद्यार्थी हा ते अंतरराश्ट्री कनून दे तैहत बच्चें गी हिंसा कोला सुरक्षा दा विशेश अधिकारी ऐ। इस घटना दी बड्डी पैमाने पर निंदेआ होआ करदी ऐ। तोआई, बलूच यकजेहती कमेटी बी.वाई.सी नै इस वारदात बारै जानकारी दिंदे होई इसी इक जालमाना, गैर कनूनी ते मंदें भागें आहली धटना करार दित्ता ऐ। बी.वाई.सी मुजब होर केई घटनाएं च बलूच दे 6 नगरिक लापता बी हैना। बलूच राश्ट्री आंदोलन पाक दी मनुक्खी अधिकार शाखा नै पाकिस्तानी सुरक्षा बलें आसेआ कथित तौरा पर जिवान दे 6 बलूच नागरिकें दे लापता होने आहली घटना गी जबरन अपहरण करार दिंदे होई एहदी सख्त निंदेआ कीती ऐ।

<><><><><><>

## Vaishnav-Washington Visit

इलेक्ट्रॉनिक्स ते सूचना प्रौद्योगिकी सरबंधी मैहकमे दे केन्द्रीय मंत्री अश्विनी वैष्णव होर अज्ज अमरीका दे वाशिंगटन च डी.सी. मंत्रीस्तरीय बैठक च हिस्सा लैगंन। जी-7 महत्वपूर्ण खनिज मंत्रीस्तरीय बैठक इक महत्वपूर्ण समा ऐ- जेह्दी सामरिक संसाधनें लेई वैश्विक आपूर्ति श्रृंखला गी सुरक्षित करने पर केन्द्रीत ऐ। एहदे शा पैहले इक सोशल मीडिया पोस्ट च वैष्णव होरें आखेया हा जे विकसित भारत दे सुखने गी साकार करने आस्तै महत्वपूर्ण खनिजें दी सुरक्षित आपूर्ति श्रृंखला बड्डी मती जरुरी ऐ। वैष्णव होरें अमरीका दे खजाना मंत्री स्काट बेसेंट हुंदी हाल च कीती गेदी टिप्पणी दे मगरा एह गल्ल आखी ऐ जे आस्ट्रेलिया ते भारत सने केई होर मुख्य महत्वपूर्ण खनिजें पर चर्चा करने आस्तै वाशिंगटन च जी-7 मुखें दे वित्त मंत्रियें दी बैठक च हिस्सा लैगंन।

<><><><><><>

## Suspected-Drones

सुरक्षाबलें साम्बा आहले अंतरराश्ट्री बन्ने ते राजौरी ते पुंछ जिले आहली कब्जा रेखा कन्नै लगदे अगेत्रे इलाकें च संदिग्ध ड्रोन दिक्खे। आकाशवाणी जम्मू संवाददाता दी रिपोर्ट मूजब एहू ड्रोन पाकिस्तान आहली भेठा दा इत्त भेठा आए पर किश गै चिर भारत आहली भेठा रौहने मगरा एहू वापस परतोई गए। राजौरी जिले आहली कब्जा रेखा कन्नै लगदे इलाकें च सेना नै मध्यम ते हल्की गोलीबारी कीती। राजौरी जिले दे खाबबर ते धर्मसाल ग्रांऽ च साम्बा जिले दे चक बबराल ते पुंछ जिले दे मनकोट सैक्टर च drone दिक्खे गए।

## PSLV-C 62

श्री हरिकोटा दे सतीश धवन अंतरिक्ष केंद्र थमां अज्ज बडुलै प्रक्षेपित कीते गेदे धरती पर निगरानी रखने आहले उपग्रह .. ते 14 होर कारोबारी पेलोड लेइयै जारदे पी.एस.एल.वी-सी-62 राकेश मिशन दे 64में प्रक्षेपण च किश तकनीकी गड़बड़ी आई गई ऐ। भारती अंतरिक्ष अनुसंधान संगठन इसरो दे अध्यक्ष डॉ. वी नारायण होरें दस्सेआ जे पी.एस.एल.वी च प्रक्षेपण दे 4 चरण न जिंदे च 2 ठोस ते 2 लिक्विड यानि तरल ना। उनें दस्सेआ जे 3एं चरणें दे खीरै तगर यान दा कम्म ठीकठाक ते योजना मताबक चलै करदा हा पर 3एं चरणें दे अखीर कश यान दी रोल दर च गड़बड़ी कारण एहू अपने रस्ते शा हटी गेआ। उनें दस्सेआ जे डेटा दा विश्लेषण कीता जारदा ऐ। अज्ज बडुलै 4 चरणें आहले पी.एस.एल.वी 62 राकेट नै अपनी एहू 64मीं महत्वपूर्ण डोआरी भरी ही। 44 इशारिया 4 मीटर उच्चा एहू राकेट धरतै पर तक्क रखने आहले राकेट EOS-N-1 ते 14 होर दुए पेलोड लेइयै रवाना कीता गेआ हा।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## DRDO

रक्षा अनुसंधान ते विकास संगठन- डीआरडीओ नै कल हैदराबाद च गतिशील लक्ष्य पर उच्च स्तरीय आक्रमण क्षमता आहली मानव पोर्टेबल टैंक रोधी निर्देशित मिसाइल दा सफल परीक्षण कीता। रक्षा मंत्री राजनाथ सिंह होरें सफल परीक्षण आस्तै डीआरडीओ, औहदे साझेदारें ते उद्योग जगत दी सराहना कीती। उनें आखेआ जे एहू परीक्षण आत्मनिर्भर भारत दी दिशा च इक महत्वपूर्ण कदम ऐ। रक्षा मंत्रालय मुजब स्वदेशी रूप कन्नै विकसित इस मिसाइल च इमेजिंग इन्फ्रारेड होमिंग सीकर, ऑल इलेक्ट्रिक कंट्रोल एक्चुएशन सिस्टम, फायर कंट्रोल सिस्टम, टैंडम वारहेड, प्रणोदन प्रणाली ते उच्च प्रदर्शन लक्ष्य प्रणाली जेई अत्याधुनिक स्वदेशी प्रौद्योगिकियां शामिल ना।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## Golden Globe Awards

83में गोल्डन ग्लोब अवार्ड्स 2026 दा आयोजन जंदी रातीं अमरीका दे लॉस एंजलस च होआ जेहदे च फिल्म ते टेलीवीजन दे क्षेत्र च बेमिसाल उपलब्धियें गी सम्मानित कीता गेआ। समारोह च सितारें दी धूम रेई। इस बरे पैहली बारी पॉडकास्ट दा बी जश्न मनाया गेआ। Leonardo Dicaprio दी फिल्म One Battle after another नै श्रेष्ठ कामेडी फिल्म दा पुरस्कार जित्तेआ। क्लो झाओ दे शेखसपीयर नाटक हैमनेट नै सर्वश्रेष्ठ फिल्म दा पुरस्कार जित्तेआ। नेटफ्लिक्स दी animated film K pop devon hunters नै पुरस्कारें दी द्रौड़ च अपना दबदबा कायम रखदे होई समारोह च 2 पुरस्कार जित्ते।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## Lohri

पंजाब ते जम्मू-कश्मीर सने उत्तर भारत दा लोक पर्व लोहड़ी कल मनाया जाहग जिसी लेइयै पिछले केइएं दिनें थमां बजारें च खूब रौनक बज्झी दी ऐ। पूरे उत्तर भारत आहला लेखा एह त्यौहार कल जम्मू च बी पूरे रिवायती जोशो-खरोश कन्नै मनाया जाहग। इस मौके पर लोक अग बालदे न ते मठेआइयां, गच्चक, मुंगफली बगैरा बंडिए इक-दुए गी मुबारकबाद दिंदे ना। बच्चे शैल-शैल कपड़े लाइये ते छज्जा लेइये लोहड़ी बी मंगदे ना। उंनेंगी लोक मठेआइयां, मुंगफली, गच्चक, रेओडियां ते तोहफे दिंदे ना। जम्मू शैहर च इस त्योहार दी रौनक दिक्खी जाई सकदी ऐ। लोक दुकानें परां मुंगफली, गच्चक, रेओडियां, अखरोट बगैरा खरीददे दिक्खे जाई सकदे ना।

<><><><><><>

## Cricket

भारत ते न्यूजीलैंड बश्कार मजूदा श्रृंखला दा दुआ मैच अतरूं बुधवारें राजकोट च खेडेआ जाहग। 3 इक रोजा मैचें दी श्रृंखला दे कल रातीं वडोदरा च खेडे गेदे पैहले मैच च न्यूजीलैंड गी 4 विकटें कन्नै हराइयै भारत नै पैहले गै 1-0 दी बढत बनाई लैती दी ऐ। 301 रन्ज दे लक्ष दे परते च भारत नै 49 ओवरें च 6एं विकटें दे नुक्सान पर 306 रन्ज बनाइयै मैच जिती लैता। रोहित शर्मा दे तौले आउट होई जाने दे बाद कप्तान शुभमन गिल ते विराट कोहली नै पारी साम्भदे होई 118 रन्ज दी सांझेदारी कीती। गिल नै 71 गेंदे च 56 ते कोहली नै 91 गेंदे च 93 रन्ज दा योगदान दिता। एहदे शा पैहले न्यूजीलैंड नै पैहले बल्लेबाजी करदे होई 50 ओवरें च 8 विकटें दे नुक्सान पर 300 रन्ज बनाए। श्रृंखला दा त्रीया ते खीरी मैच 18 जनवरी गी इंदौर च खेडेया जाहग।

<><><><><><>

## Weather

मौसम विाग नै अज्ज राजस्थान च घनी शा मती घनी धुंध दा रेड अलर्ट जारी कीता ऐ। मैहकमे नै हिमाचल प्रदेश ते उत्तर प्रदेश च बी घनी धुंध दा रेड अलर्ट जारी कीता ऐ। अगले दो-त्रै दिनें दरान जम्मू-कश्मीर, लद्दाख, हिमाचल प्रदेश, उत्तराखंड, पंजाब, चंडीगढ़, हरियाणा, राजस्थान, दिल्ली, बिहार, पच्छिम बंगाल च हिमालय दे तराई क्षेत्रें ते सिक्किम घनी धुंध छाए दे रौने दी पेशगोई कीती ऐ।

<><><><><><>

## NHW-Movement

जम्मू-श्रीनगर राश्ट्री जरनैली शिड़क पर दौने भेइा दा गड्डिएं दी आवाजाई सुचारू ढंगै सिर जारी ऐ। आकाशवाणी संवादाता दी रिपोर्ट मूजब कुसै बी चाल्ली दा गड्डिएं दी मट्टी रफतार यां जाम दी कोई खबर नेई ऐ। प्रशासन नै आखेआ ऐ जे मौसम च बेहतरी करी शिड़क पर गड्डी चलाने आहले हालात च सुधार होआ ऐ जेदे चलदे जरूरी चीजें-बस्तें दी सप्लाई बी सुचारू चला'रदी ऐ। इस दरान

ऐतिहासिक मुगल रोड जेड़ी राजौरी ते पुंछ गी घाटी दे शोपियां जिले कन्नै जोड़दी ऐ ओह बी गड्डिएं  
दी आओजाई लेई खुल्ली दी ऐ।

<><><><><><>